

Bilkura berezia

1994.eko abenduaren 29an, bildu dira eguerdiko ordubetetan, Oiartzungo Udaletxean: P. Altuna, J.A. Arana Martija, P. Charritton, J.L. Davant, J. Haritschelhar, A. Irigoien, X. Kintana, E. Knörr, F. Krutwig, E. Larre, J. M. Lekuona, F. Ondarra, B. Oihartzabal, Tx. Peillen, P. Salaburu, I. Sarasola., J.M. Satrustegi, L. Villasante eta P. Zabaleta euskaltzainak. M. Azkaratek, X. Diharcek eta J. San Martinek beraien ezin etorria adierazten dute. (Azkaratek P. Altunari ematen dio ahala eta Diharcek E. Larreri); J.L. Lizundia, idazkariordea eta J.J. Zearreta, ekonomi eragilea. Mahaipuruan: Federico Krutwig, antzineko euskaltzaina, buru bezala eta Xabier Kintana, azken sartutako euskaltzaina, idazkari jartzen dira, laguntzeko J.L. Lizundia, idazkariordea daukate-larik.

Euskaltzainburuaren hautateka bozketa egiten da lehendabizi, horretarako, Jean Haritschelharrek orain arteko euskaltzainburua aurkezten da hautagai bezala. Alfonso Irigoien euskaltzainak adierazten du bera ere kargu guztietarako hautagai aurkezten dela. Bozketa egiten da, ondorio hauekin: Jean Haritschelharek 16 botu, Juan San Martinek botu bat, Alfonso Irigoienek botu bat, Miren Azkaratek botu bat; zuriz: 2, beraz beste bi urtetarako euskaltzainburu, Jean Haritschelhar izendatzen da.

Buruordetzat hautatua izaten bada Juan Mari Lekuonak adierazten du, onartuko duela. Bozketa egiten da ondorio hauekin: Juan Mari Lekuonak 14 botu, Alfonso Irigoienek 3 botu, zuriz: 4 botu; beraz, beste bi urtetarako, Juan Mari Lekuona izendatzen da euskaltzainburuorde.

Jarraian idazkari kargurako bozketa egiten da. Aurretiaz Endrike Knörr eskaintzen da kargu honetarako. Bozketa egiten da ondorio hauekin: Endrike Knörrek 11 botu, Alfonso Irigoienek 5 botu, Xabier Kintanak botu bat, zuriz: 4 botu. Gehiengo osoa inork lortu ez duenez gero, bigarren bozkaldia egiten da ondorio hauekin: Endrike Knörrek 13 botu, Alfonso Irigoienek 4 botu, Xabier Kintanak botu bat, zuriz: 3 botu. Beraz, Endrike Knörr izango da, gehiengo osoz berriz ere, Euskaltzaindiko idazkari.

Diruzainerako bozketa egiten da azkenean. Jose Antonio Arana Martijak adierazten du beste inor aurkezten ez bada, berak jarraitzeko ez duela eragozpenik. Bozketa egiten da ondorio hauekin: Jose Antonio Aranak 13 botu, Alfonso Irigoienek 3 botu, Jose Mari Satrustegik botu 2, Luis Villasantek botu bat. zuriz: botu bat. Beraz, Jose Antonio Arana izendatzen da berriz ere diruzain.

Eta honekin amaitzen da bilkura berezia.